

菩薩一 念具 萬行



「大智度論」集粹之六十二

智 銘

須菩提白佛言：「若一切法性無所有，菩薩見何等利益故，爲象生求阿耨多羅三藐三菩提？」

佛告須菩提：「以一切法性無所有故，菩薩爲象生求阿耨多羅三藐三菩提。何以故？諸有得有著者，難可解脫。諸得相者，無有道，無有果，無有阿耨多羅三藐三菩提。……無所得即是道、即是果、即是阿耨多羅三藐三菩提，法性不壞故。若無所得法欲得道、欲得果、欲得阿耨多羅三藐三菩提，爲欲壞法性故。……以諸法無所得，故菩薩得初地乃至十地，有報得五神通，布施、持戒、忍辱、精進、禪定、智慧，成就象生，淨佛國土，亦以善根因緣，能利益象生，乃至般涅槃後舍利及弟子得供養。」

須菩提白佛：「云何無所得法布施，乃至神通無有差別？」

佛告須菩提：「菩薩摩訶薩行般若波羅蜜時，不得布施，施者、受者皆不可得而行布施，不得戒而持戒，不得忍而行忍，不得精進而行精進，不得禪而行禪，不得智慧而行智慧，不得神通而行神通，不得四念處而行四念處，乃至不得八聖道分而行八聖道分，不得空三昧、無相、無作三昧而行空、無相、無作三昧，不得象生而成就象生，不得佛國土而淨佛國土，不得諸佛法而得阿耨多羅三藐三菩提。菩薩摩訶薩應如是行無所得般若波羅蜜。」

須菩提白佛言：「云何菩薩摩訶薩行般若波羅蜜時，一念中具足行六波羅蜜、四禪、四無量心、四無色定、四念處、四正勤、四如意足、五根、五力、七覺分、八聖道分，三解脫門、佛十力，四無所畏、四無礙智、十八不共法、大慈大悲，三十二相、八十隨形好？」

佛告須菩提：「菩薩所有佈施，不遠離般若波羅蜜，所修持戒、忍辱、精進、禪定，不遠離般若波羅蜜，四禪、四無量心、

四無色定、修四念處，乃至八十隨形好，不遠離般若波羅蜜。……菩薩行般若波羅蜜時，所有布施不遠離般若波羅蜜二相，持戒時亦不二相，修忍辱、勤精進、入禪定，亦不二相，乃至八十隨形好亦不二相。」

若菩薩摩訶薩住無漏心布施，於無漏心中不見相，所謂誰施誰受？所施何物？以是無相心、無漏心，斷愛、斷慳貪心而行布施，是時不見布施，乃至不見阿耨多羅三藐三菩提法。是菩薩以無相心，無漏心持戒，不見是我，乃至不見一切佛法。無相心、無漏心忍辱，乃至不見一切佛法。以無相心、無漏心精進，不見是精進，乃至不見一切佛法。以無相心、無漏心入禪定，乃至不見一切佛法。以無相心、無漏心修習智慧，不見是智慧，乃至不見一切佛法。以無相心、無漏心修四念處，不見是四念處，乃至八十隨形好。

菩薩摩訶薩行般若波羅蜜，以無相心、無漏心布施，須食與食，乃至種種所須，盡給與之，……施已，與一切眾生共之，迴向阿耨多羅三藐三菩提，亦不見是相：誰施誰受？所施何物？迴向者誰？何等是迴向？何等是迴向處？所謂阿耨多羅三藐三菩提，是相皆不可得，何以故？一切法以內空故空……乃至自相空故空。如是觀，作是念：迴向者誰？迴向何處？用何法迴向，是名正迴向。爾時，菩薩成就眾生，淨佛國土，能具足檀波羅蜜……乃至般若波羅蜜，乃至三十七助道法，空、無相、無作三昧，十八不共法。是菩薩具足檀波羅蜜而不受世間果報。……是菩薩以檀波羅蜜攝取眾生，用方便力，以三乘法度脫眾生。

菩薩摩訶薩云何於無相、無得、無作法中，具足尸羅波羅蜜？是菩薩行尸羅波羅蜜時，持種種戒，所謂聖無漏入八聖道戒、自然戒，報得戒、受得戒、心生戒，如是等不缺、不破、不雜、不濁、不著，自在戒，智所護戒。用是戒，無所取，若色、若受、想、行、識……但為一切眾生共之，迴向阿耨多羅三藐三菩提

，以無相、無得、無二迴向，為世俗法故，非第一實義。

菩薩摩訶薩云何具足羼提波羅蜜？是菩薩從初發意已來，乃至坐道場，於其中間，若一切眾生來，以瓦石，刀杖加是菩薩，是時不起瞋心，乃至不生一念。爾時，應修二種忍：一者、一切眾生惡口罵詈，若加刀杖、瓦石，瞋心不起；二者、一切法無生。菩薩應如是思惟：罵我者誰，譏訶者誰？打擲者誰？誰有受者？是菩薩應思惟諸法實性，所謂畢竟空，無法、無眾生。諸法當不可得，何況有眾生。如是觀諸法相時，不見罵者，不見割截者。是菩薩如是觀諸法相時，即得無生法忍。云何名無生法忍？知諸法常不生，諸煩惱從本已來常不生。是菩薩住是二忍，能具足四禪乃至大慈大悲。

菩薩摩訶薩云何於諸法無相、無作、無得中，能具足毘梨耶波羅蜜？是菩薩行般若波羅蜜時，成就心精進、身精進，能具足毗梨耶波羅蜜。菩薩以是心精進聖無漏，入八聖道分精進，不令身、口不善業得入。亦不取諸法相，若常、若無常，若苦、若樂、若我、若無我，若有為、若無為，若欲界、若色界、若無色界，若有漏性、若無漏性，若初禪乃至第四禪，若慈、悲、喜、捨，若無邊虛空處乃至非有想非無想處，……乃至十八不共法，不取相。何以故？不可以性取相，是性無故。是菩薩以是心精進故，廣利益眾生，亦不得眾生，是為菩薩具足毗梨耶波羅蜜。具足佛法，淨佛國土，成就眾生，不可得故，是菩薩身精進，心精進成就故，攝取一切諸善法，是法亦不著故。從一佛國至一佛國，利益眾生。

菩薩摩訶薩行般若波羅蜜，住無相、無作、無得中，云何能具足禪波羅蜜？是菩薩除佛諸禪定，餘一切諸禪、三昧，皆能具足。是菩薩離諸欲、諸惡不善法，離生喜樂，有覺有觀，入初禪，乃至入第四禪。以是慈、悲、喜、捨心、徧滿一方，乃至十方，一切世間徧滿。是菩薩過一切色相，滅有對相，不念別異相

故，入無邊空處，乃至入非有想非無想處。是菩薩於禪波羅蜜中住，逆順入八背捨，九次第定，入空三昧，無相、無作三昧。是菩薩住禪波羅蜜中，修三十七助道法，用道種智入一切禪定，過八地，入菩薩位。入已，具足佛地。是菩薩行如是道種智時，得一切種智，斷一切煩惱習，斷已，自益其身，亦益他人。自益益他已，爲一切世間天及人、阿修羅作福田。

菩薩摩訶薩行般若波羅蜜時，住無相、無作、無得中，云何具足般若波羅蜜？是菩薩行般若波羅蜜時，於諸法不見定實相：見色不定，非實相，乃至見識不定、非實相。不見色生，乃至不見識生。一切法若有漏、若無漏，不見來處、去處、集處。如是觀時，不得色性乃至識性，亦不得有漏、無漏法性。是菩薩行般若波羅蜜時，信解一切諸法無所有相。如是信解已，行內空，乃至無法有法空。於諸法無所著，若色、受、想、行、識，乃至阿耨多羅三藐三菩提。是菩薩行無所有般若波羅蜜，能具足菩薩道，所謂六波羅蜜，乃至三十七助道法，佛十力乃至八十隨形好。是菩薩不受一切法若善、若不善等，如是一切法皆不受。」

須菩提以著心問「無所有」，佛則以無著心答「無所有」，諸法空中，不見菩薩發心者，不見衆生可利益者，不見阿耨多羅三藐三菩提，著心者難得解脫。是人從無始生死中來，以一切煩惱故染著諸法，聞有亦著，聞空亦著，得失亦著，如是衆生難可勉出。

是故，菩薩發無上道心，知衆生三世心根本，以種種因緣譬喻，爲說無所有法，空解脫門，引導其心。衆生即時其心柔軟，信佛受法。是故經說：著有者難得解脫，有所得者，無道、無果、無阿耨多羅三藐三菩提。

無所有，即是道、即是果、即是阿耨多羅三藐三菩提。若人不分別是有所得，是無所得，入諸法實相畢竟空中，是亦無所得

即是道、即是果、即是阿耨多羅三藐三菩提。不破壞諸法實相故，法性即是諸法實相。

法性雖不可破壞，衆生邪行故，名爲破壞。新發意菩薩，聞是諸法實相空，即生著心，佛破其著，亦破所著法，菩薩從初發心已來，似阿耨多羅三藐三菩提寂滅相，布施畢竟空，所謂不得施者、受者、財物而行布施，如是布施中無有分別，乃至不得菩提而得阿耨多羅三藐三菩提，亦如是。是名菩薩行無所得般若波羅蜜。

菩薩從佛聞般若波羅蜜甚深無所有相，於諸法中無礙相，於一念中能攝六波羅蜜，乃至八十隨形好。其初發心時以著有無心重故，漸漸次第行，今有無悉捨故，無所不能，是故能一念具萬行。

菩薩行般若波羅蜜時，欲具足檀波羅蜜，於布施一念中，攝一切善法。何等是一念？所謂菩薩得無生法忍，斷一切煩惱，除諸憶想分別，安住無漏心中，布施一切。無漏心是無相相，菩薩住是心中，不見誰施、誰受、誰物，離一切相心布施。不見有一法，乃至阿耨多羅三藐三菩提尚不見，何況餘法，是名不二相。乃至八十隨形好亦如是。

菩薩無相、無作法中，不取相故，無障礙心布施。無漏、無相六波羅蜜有二種：一者、得無生法忍菩薩所行，二者、未得無生法忍菩薩所行，生身菩薩貪惜未除故，割截甚痛。得無生法忍菩薩，如化人所作，割截無痛。二種菩薩仍以得無生法忍菩薩所行甚難，所以何者？得無生法忍寂滅心，應受涅槃樂，而捨此寂滅樂，入衆生中受種種身，或爲賤人，或爲畜生等，是則爲難。生身菩薩貪愛未除，著佛身故，以身布施，是爲希望，非清淨施，是故不如。故行無漏、無相六波羅蜜，是時能具足一念具萬行，有漏、有相則不能具足，是故，能具足者，有大恩分。